



ALIJA  
IZETBEGOVIĆ  
M U Z E J

# NEWSLETTER

JU Muzej "Alija Izetbegović Sarajevo  
Broj 1/2022 Januar-Februar 2022.

# 7

## AKTUELNOSTI

Historijski  
čas na  
Šehidskom  
mezarju  
Kovači

...

# 3

## IZLOŽBE

U povodu 1.  
marta - Dana  
nezavisnosti  
Bosne i  
Hercegovine

...

## SJEĆANJE

Mustafa  
Hajrlahović  
- Talijan,  
prvi komandant  
Prvog korpusa  
Armije RBiH



U renoviranom ambijentu

JU Muzej „Alija Izetbegović“ je otvorio vrata svim posjetiocima



### Prenosimo...


Novi članak  
Prof. dr. Enesa  
Karića

Ispovjesti  
muslimanskog  
humaniste



Nagrađeni najbolji učenici

Dostupan novi  
**audio vodič** Muzeja  
"Alija Izetbegović"



www.muzejalijazetbegovic.ba



Moja priča.



Photo: Muzej "Alija Izetbegović"

## JU Muzej „Alija Izetbegović“ je otvorio vrata svim posjetiocima u renoviranom ambijentu

Projekat Renovacije i adaptacije stalne muzejske postavke JU Muzeja „Alija Izetbegović“ predstavlja najambiciozniji projekat u historiji ove institucije. Inicijativa je pokrenuta od strane direktorice JU Muzeja "Alija Izetbegović" u cilju konceptualnog redizajniranja, adaptacije i obogaćivanja novim sadržajima i eksponatima u cilju privlačenja novih posjetioca.

Autor idejnog rješenja je nagrađivani arhitekta dipl.ing.arh. Amar Zuka, koji je osmislio aktuelan i savremen dizajnerski i arhitektonski koncept. Uzimajući u obzir kulturno-historijski značaj kompleksa kapi-kula Ploča i Širokac te bedema koji ih povezuje kao dijelovima graditeljske cjeline koja predstavlja vrijedan nacionalni spomenik, projekat je zahtijevao poseban senzibilitet tokom intervencije i izvođačkih radova. Prijedlozi uređenja su koncipirani u skladu sa uspostavljanjem dijaloga između nove intervencije historijskog objekta putem vizuelno nenametljivih ali kontrastnih enterijerskih elemenata. U cilju očuvanja kulturno-historijskog značaja vratničkih kula, sve intervencije su izvedene tako da se nakon eksploatacije mogu lagano ukloniti, bez oštećivanja kamenih zidova, drvenog poda ili stropa.

U kuli Ploča smještena je stalna muzejska postavka sa panelima koji hronološki prate život Predsjednika Izetbegovića, tematski se uklapa sa eksponatima – ličnim predmetima koji su pripadali Predsjedniku, ali i brojnim nagradama i priznanjima koji svjedoče o tome koliko je Izetbegović bio valoriziran na Istoku i Zapadu.



U kuli Širokac, posjetioci imaju priliku da pogledaju dio muzejske kolekcije koji tematski predstavlja period agresije na Republiku Bosni i Hercegovinu. Ekspoziti koji se ovdje nalaze dodatno rasvjetljavaju ratni period diplomatskog djelovanja Predsjednika Izetbegovića kao lidera, državnika i vrhovnog komandanta Armije Republike Bosne i Hercegovine.

Ovime je iskorištena arhitektura cjelokupnog arhitektonskog kompleksa sastavljenog od dvije kule i bedema u cilju hronološke i cjelovite prezentacije ličnosti Alije Izetbegovića.

Izvođač radova je firma „Neimari“ d.o.o., kompanija koja je zasnovana na najsavremenijim principima graditeljstva i visokim standardima koji zadovoljavaju sve evropske i svjetske tokove. Za zvanični nadzor nad izvođačkim radovima je odgovoran Studio za projektovanje URBING d.o.o. Sarajevo.

U prizemlju kule Ploča, u kojem se nalaze recepcija i suvenirnica, izvršen je redizajn enterijera primjenom modernih rješenja, a poštujući tradicionalni i kulturno-historijski ambijent vratničkih kula koje datiraju iz 18. stoljeća.



Radovi su podrazumijevali adaptaciju prijemnog dijela u prizemlju kule Ploča, zamjenu dotrajalih podnih obloga u objema kulama, te adaptaciju toaleta na međuetazi kule Ploča. Adaptacija prijemnog dijela, to jest ulaza u kulu Ploča podrazumijevala je zamjenu postojećeg namještaja koji je također bio dotrajao.

Ova adaptacija predstavlja funkcionalno-estetsku transformaciju prostora, radi poboljšanja kvalitete radnog mjesta za uposlenike Muzeja, ali i kreiranja novog *imagea* Muzeja.



Planirani radovi predviđeni prvom fazom projekta Adaptacija i renovacija stalne muzejske postavke izvršeni su u potpunosti i JU Muzej „Alija Izetbegović“ je zvanično otvorio vrata za posjetioce 28.02.2022. godine i obavlja svoju osnovnu djelatnost u javnom interesu Kantona Sarajevo.



Projekat adaptacije i renovacije stalne muzejske postavke podržali su: Ministarstvo kulture i sporta Kantona Sarajevo, Grad Sarajevo, BH Telecom, Općina Novi Grad Sarajevo i Gdin. Muzaffer Čilek, počasni konzul Bosne i Hercegovine u Bursi, te Osnivač Fondacije „Alija Izetbegović“.



Novi članak Prof. dr. Enesa Karića

## Ispovijesti muslimanskog humaniste

Novi članak Prof. dr. Enesa Karića, objavljen je u naučnom časopisu "Insan & Toplum –The Journal of Humanity and Society".

Ovdje donosimo samo jedan segment pomenutog članka: "Teško je u bosanskohercegovačkoj književnosti i publicistici naći djelo koje bi dojmljivije od "Sjećanja" Alije Izetbegovića protumačilo taj redak iz "Derviša". Izetbegovićevo "Sjećanja" na više od pola svojih stranica najdirektnije pokazuju opora vremena življenja bosanskohercegovačkog naroda za koji Meša Selimović svjedoči da je sudbinom "na razmeđu svjetova", da traje i skapava "na granici naroda" i da je tako "svakom na udaru"! Pripovjedačka magija "Sjećanja" Alije Izetbegovića u tome je što im autor nije namijenio nikakvu pripovjedačku misiju, osim one da prisno i vjerno kazuje o zbivanjima koja su se desila u godinama velike "promine vremena", "promine" koja oslovljava to pamtivječno i prevratno desetljeće od 1990. do 2000. godine."

Članak je dostupan na bosanskom i engleskom jeziku, na sljedeća dva linka:

[https://www.academia.edu/46205126/ISPOVIJESTI\\_MUSLIMANSKOG\\_HUMANISTE](https://www.academia.edu/46205126/ISPOVIJESTI_MUSLIMANSKOG_HUMANISTE)

[https://muzejalijazetbegovic.ba/confessions-of-a-muslim-humanist-pise-prof-dr-enes-karic/?fbclid=IwAR29BGfGPGtfA2ZF8923Av8-iWXsxd\\_dQIV-n-0kfJsNOckIEUghICAqOc](https://muzejalijazetbegovic.ba/confessions-of-a-muslim-humanist-pise-prof-dr-enes-karic/?fbclid=IwAR29BGfGPGtfA2ZF8923Av8-iWXsxd_dQIV-n-0kfJsNOckIEUghICAqOc)

## Sjećanje na Mustafu Hajrulahovića – Talijana

Prvi komandant Prvog korpusa Armije Republike Bosne i Hercegovine, Mustafa Hajrulahović – Talijan, rođen je 22. januara 1957. godine u Banjoj Luci. Imao je izuzetnu vojnu karijeru i prije agesije na našu zemlju, u Jugoslovenskoj narodnoj Armiji, gdje je završio Mornaričku vojnu akademiju u Splitu. Dodatno školovanje je nastavio u Italiji.

Patriotskoj ligi se priključuje odmah po njenom osnivanju 1991. godine, te aktivno učestvuje u organizaciji odbrane. Omiljen među narodom i borcima, profesionalno vršeći svoju dužnost, zadužio je glavni grad i našu zemlju. Preselio je 1998. godine u Hamburgu od posljedica srčanog udara.

Kako je navedeno u intervjuu kojeg je magazin "Stav" uradio sa porodicom rahmetli Mustafe Hajrulahovića – Talijana, on je za budućnost Bosne i Hercegovine govorio:

"Bosna i Hercegovina nam je cilj! Bosna i Hercegovina je naša država. Mi ne želimo ni Srbiju ni Hrvatsku. Ne želimo da živimo onako kako smo živjeli, pod jarmom nečega, ne! Jedna prava republika omogućit će svima normalan život."




Photo Credit: radiosarajevo.ba

## Rezultati 10. konkursa za najbolje literarne radove učenika osnovnih i srednjih škola

JU Muzej „Alija Izetbegović“ je 13. decembra 2021. godine objavio Javni poziv za dostavljanje literarnih radova za učenike osnovnih i srednjih škola. Raduje nas činjenica da je tokom trajanja pomenutog konkursa na našu adresu pristigao veliki broj učeničkih radova.

Stručna komisija u sastavu: Mujo Musagić, književnik, predsjednik, Hadžem Hajdarević, književnik, član i Aida Kršo, lingvistkinja, član, nakon nekoliko sastanaka i analize svih prispjelih radova, opredijelila se da u kategoriji Osnovnih škola, nagradi sljedeće učenice i učenike:

- |   |                 |
|---|-----------------|
| 1. Šejla Bećević, Druga osnovna škola, Zavidovići | (prva nagrada)  |
| 2. Mahir Jašarević, JU OŠ „Blagaj“, Blagaj        | (druga nagrada) |
| 3. Ahmed Čengić, OŠ „Safvet-beg Bašagić“, Breza   | (treća nagrada) |

U kategoriji Srednjih škola, komisija se opredijelila da nagradi radove koje potpisuju:

- |   |                 |
|---|-----------------|
| 1. Lamija Bašić, Gimnazija „Muhsin Rizvić“, Kakanj        | (prve nagrada)  |
| 2. Amina Neimarlija, Medresa „Osman ef. Redžović“, Visoko | (druga nagrada) |
| 3. Faris Kolar, Treća gimnazija, Sarajevo                 | (treća nagrada) |

Prvo mjesto u kategoriji osnovnih škola

### ŠEJLA BEĆEVIĆ VII 2

## Život bez prijateljstva je ništa

Sjedim i razmišljam... Moje misli su negdje daleko, duša prazna, a oči uplakane. Previše je pitanja, a premalo odgovora. Razmišljam kako je lijepo biti voljen i kako je lijepo imati prijatelje, jer kako kaže antički rimski filozof Marko Tulije Ciceron: „Život bez prijateljstva je ništa“. Imati prijatelje zanči nikada ne biti sam, imati ljubav, podršku, povjerenje, međusobno uvažavanje, te skupa dijeliti i radost i bol. Mnogo je važno imati pravog prijatelja. Ne možemo ga kupiti, već ga moramo zaslužiti, a kada ga zaslužimo moramo ga i njegovati i brinuti o njemu kao o nečemu najljepšem i najsvjetlijem u životu.

Danas vidim samo pustoš, prazninu... ulice koje su utihnule, dječije parkove bez igre i smijeha, pozorišta bez gledalaca, stadione bez navijača. Čemu sve to tako prazno, bez druženja i prijateljstva. Tako sićušan i nevidljiv ljudskom oku virus pod imenom „Covid19/ Corona“ uspio je sve to zaustaviti. Probudili

smose u nekom novom svijetu gdje su poljupci i zagrljaji postali oružje, a ne posjetiti roditelje i prijatelje postao je akt ljubav. Zatvorili smo se u kuće sami sa svojim porodicama, sve je izgubilo svoje čari. Iznenada ni Paris više nije romantičan, Disneyland nema svoju magiju, Kineski zid više nije tvrđava, Mekka je prazna bez hodočasnika... Čemu sve to bez prijateljstva i druženja. Uvedena su nam neka nova pravila ponašanja: fizička distanca, izolacije, maske... možda je ovo i jedna od opomena da smo zaboravili i zapostavili vrijeme zajedno, jer život bez prijateljstva i zagrljaja je ništa.

Zato želim da sve bude kao prije, da naše ulice ponovo budu pune, da se u parkovima igraju djeca, da nam stadioni budu puni navijača, Paris ponovo bude grad ljubavi i da hodočasnici dođu u Mekku. Želim ponovo živjeti normalnim životom, jer život bez prijateljstva je ništa.

Prvo mjesto u kategoriji srednjih škola

**LAMIJA BAŠIĆ I 7**


## Pred nama je mnogo puteva i mnogo izazova

Onako, po navici, na svaki januar gledam kao na novi početak. Posmatram ga kao idealnu priliku za stvaranje novih pogleda na svijet, pričanje novih priča i otvaranje nekih novih vrata. Međutim, svakog januara u meni čuči osjećaj strepnje uz pomalo straha. Razmišljanje o tome šta će ova godina odnijeti, a šta donijeti u čovjeku zna probuditi mnoštvo emocija. Na um mi padaju nove ideje, želje i zamisli, ali nikada ne mogu biti sigurna u njihovo ostvarenje. I tako shvaćam da je jedina stvar koju želim naučiti ove godine sljedeća - ne opterećavati se stvarima koje su van moje kontrole!

Pred nama je mnogo puteva i mnogo izazova. Za sve one koji razmišljaju na duge staze i koji brinu o svojoj budućnosti, nijedan dan nije u potpunosti miran. Ja, kao srednjoškolka, razmišljam o tome kako ću provesti ovaj zimski raspust, šta donose novi školski dani, hoću li stizati uskladiti sve svoje obaveze, da li ću vidjeti i ovaj vikend svoju prijateljicu, hoće li mama i babo biti dobro i zdravo, koji fakultet upisati, koju sljedeću knjigu pročitati i čime se tačno želim baviti... A onda, kao munja me ošine pomisao koliko zapravo moje brige nisu one stvarne i teške. Ošine me pomisao da postoje moji vršnjaci koji se već sada moraju brinuti o ogrijevu za ovu zimu, o bolesnom ocu ili majci, o današnjem ručku i hoće li ga uopće biti. Ošine me pomisao da postoje moji vršnjaci, a i oni mlađi koji razmišljaju o tome gdje će se večeras sakriti i čije srce i glavu svakodnevno more teške brige. Još jače me ošine pomisao na ljude koji rade teške poslove da prehrane svoje porodice, koji brinu hoće li im zafaliti novca za ovomjesečne režije i hoće li krov i ove jeseni prokišnjavati.

Svako od nas ima vlastite puteve i izazove i ama baš ničiji nisu identični. I tako, ne znajući težinu tuđeg tereta, postajemo okrutni, sebični i nezadovoljni. Olako govorimo riječi, a ne shvatamo kako svako njihovo slovo ima određenu težinu. Uputimo bezazlen pogled prosjaku, a ne znamo da mu je baš

taj pogled danas bio jedina nada. Nada za današnju koru hljeba i nada za bolje sutra... Svima Vama koji čitate ili slušate ovaj tekst želim reći da ostanete na pravome putu kakvi god izazovi, prepreke ili okolnosti bile. Svoju poruku pogotovo želim prenijeti mladim ljudima pred kojima se, iskreno se nadam, nalazi dug život. Nailazit ćemo i već sada nailazimo na izazove različite prirode, a naša reakcija na iste veoma je važna za našu budućnost i nas same. Dobro i loše društvo, poroci, nepravde, savjeti starijih i sve ono što ne želimo slušati, a uporno u ovim godinama čujemo, važno je! Važno je pametno odlučivati, racionalno razmišljati i proaktivno djelovati. Važno je učiti i u sebi gajiti prave i iskrene vrijednosti. Važno je ne podležiti pritiscima i ne odustati. Važno je da budemo jaki, samouvjereni i obrazovani jer samo tako možemo stvarati nove generacije vrijedne naše borbe. Da se nasmiješimo, kroz naše puteve i staze koračamo hrabro sa pozitivnim stavovima i razmišljanjima, da budemo nježni prema sebi i drugima, da postavimo zdrave granice u odnosima sa ljudima i budemo oslonac i krilo utjehe i snage. Da kada pogriješimo, oprostimo sebi, ali i drugima jer imamo onu jedinicu u našem broju godina koja tek treba porasti i koja tvrdi da se svaka greška može ispraviti.



## Međunarodni dan obrazovanja

Generalna skupština Ujedinjenih nacija usvojila je 3. decembra 2018. godine rezoluciju kojom se 24. januar proglašava Međunarodnim danom obrazovanja.

Predsjednik Izetbegović je tokom svog života držao obrazovanje visoko na listi prioriteta, te se u svojim autorskim djelima uvijek referirao na važnost istog. Prisjetit ćemo se intervjuu listu „SAFF“ 1. septembra 2001. godine, gdje izdvajamo dio:

„Kojim mehanizmima ste (SDA) planirali zaštititi eventualno asimiliranje Bošnjaka u evropskim integracijama, a kako nam je to dobro poznato Bošnjaci kroz historiju i nisu baš bili imuni na asimilaciju?

„ – Ne bih se saglasio sa Vašom tvrdnjom da su Bošnjaci neotporni na asimilaciju. Na ovom razmeđu svjetova, na ovoj vjetrovietini na kojoj ponekad pušu vjetrovi orkanske snage, Bošnjaci su se možda povijali, ali nisu iščupani iz korijena i uvijek su se ponovo uspravljali. A što se tiče mehanizama o kojima govorite, to su dobre škole, laičke i vjerske, posebno ove posljedne. Moramo imati imame i hatibe fakultetski obrazovane i, ako je moguće, sa doktoratima. Tada neće biti opasnosti od asimilacije.

Obrazovan narod se ne može ni podjarmiti ni asimilirati.“

Photo: Muzej "Alija Izetbegović"



## Međunarodni dan sjećanja na žrtve holokausta

Generalna skupština Ujedinjenih nacija je usvajanjem rezolucije 60/7, 1. novembra 2005. godine, proglasila 27. januar Međunarodni danom sjećanja na žrtve holokausta.

Rezolucija također odbacuje bilo koju formu negiranja i relativiziranja holokausta. Ovaj dan u historijskom kontekstu, predstavlja dan kada je oslobođen nacistički koncentracioni logor Auschwitz-Birkenau.

U svom referatu sa 8. sjednice Glavnog odbora SDA, održanoj u Sarajevu 3. decembra 1999. godine, predsjednik Izetbegović je, referirajući se na odnos prema genocidu, kazao:

“Mi smo naš narod učili toj mudrosti bez koje, možemo slobodno reći, ne bi bilo Bosne. Ne trebamo se nikada kajati što na zločin nismo odgovorili ravnom mjerom jer tada život na ovom parčetu zemlje ne bi bio više uopće moguć(...)

Međutim, iako ne priziva osvetu, naš narod ne prihvata zaborav. Ono što nam se dogodilo bilo je agresija i genocid. Ako tu istinu iz praktičnih razloga istjeraju iz škola, mi ćemo tu istinu na druge načine govoriti narodu. Jer zaboravljeni genocid se ponavlja. A mi nećemo dozvoliti da se više ikada ponovi Srebrenica i sve ono što ona znači. To – da se više ne smije ponoviti genocid – jeste i bit će najviši zakon koji će upravljati ponašanjem našeg naroda u budućnosti. Hvala!”

## Obilježavanje 1. Marta - Dana nezavisnosti Republike Bosne i Hercegovine

“Perzijsko-bosanski koledž sa internatom” sa svojim uposlenicima, učenicima i članovima kampusa OŠ “Đulistan” i Predškolske ustanove “Behar” su 28. februara 2022. godine proučili Fatihu i položili cvijeće na mezar predsjednika Alije Izetbegovića. Tom prilikom je održan kratak historijski čas o značaju Dana nezavisnosti, te ulozi predsjednika Alije Izetbegovića u tim sudbonosnim momentima po našu zemlju.



Photo: Muzej “Alija Izetbegović”



Kasnije, tokom dana, predstavnici vrtića “Sportissimo Kids” iz Starog Grada, sa djecom, položili su cvijeće na mezar predsjednika Alije Izetbegovića. Nakon toga su dočekan u prostorijama Muzeja gdje su posjetili muzejsku postavku u novom ambijentu.



Photo: Muzej “Alija Izetbegović”

## Ceremonija dodjele novčanih nagrada autorima najbolje ocijenjenih radova na 10. konkursu

U prostorijama JU Muzeja „Alija Izetbegović“ u novom ambijentu, 28. februara 2022. godine organizirana je ceremonija dodjele novčanih nagrada autorima najbolje ocijenjenih radova na 10. konkursu za najbolje literarne radove učenika osnovnih i srednjih škola, kojeg organizira JU Muzej „Alija Izetbegović“. Ocjenjivačka komisija je našla za shodno da istakne izuzetnu angažiranost nastavnika i učenica iz Breze. Zanimljivo je da se ovo zapažanje odnosi i na učenike i nastavnike osnovnih škola „Enver Čolaković“ i „Safvet-beg Bašagić“, kao na učenike i nastavnike Gimnazije „Muhsin Rizvić“ iz istog grada.



Šejla Bečević,  
Druga osnovna škola, Zavidovići



Mahir Jašarević,  
JU OŠ „Blagaj“, Blagaj



Ahmed Čengi,  
OŠ „Safvet-beg Bašagić“, Breza

Pohvale svakako zaslužuju i učenici i nastavnici Osnovne škole „Kiseljak I“ iz Kiseljaka koji su, također, pokazali veliko interesovanje za učešće na Konkursu. Kreirajući ove i slične aktivnosti, JU Muzej “Alija Izetbegović” daje značajan doprinos u ispravnom shvatanju kontinuirane borbe za slobodnu i prosperitetnu državu Bosnu i Hercegovinu.



Lamija Bašić,  
Gimnazija „Muhsin Rizvić“, Kakanj



Amina Neimarlija,  
Medresa „Osman ef. Redžović“, Visoko



Faris Kolar,  
Treća gimnazija, Sarajevo

## Audio vodič JU Muzeja “Alija Izetbegović”

JU Muzej “Alija Izetbegović” s ponosom predstavlja svoj novi audiovodič, dostupan u vidu besplatne mobilne aplikacije. Svi posjetioči mogu preuzeti audiovodič skeniranjem QR koda na baneru koji se nalazi na ulazu u Muzej. Audiovodič je dostupan na App Store-u i Play Store-u.

Na ovaj način, svima koji žele saznati više o muzejskoj kolekciji i 67 eksponata koji je sačinjavaju, dostupni su, pored tekstova i fotografija, narativni opisi na tri jezika - bosanskom, engleskom i turskom. Naratori audiovodiča su Ognjen Blagojević (bosanski jezik), Victor Vertunni (engleski jezik) i Eldina Memić (turski jezik).

Pored pregleda eksponata, audiovodič nudi opširnu biografiju predsjednika Alije Izetbegovića praćenu autentičnim fotografijama iz njegovog privatnog i javnog života, te osnovne informacije o Muzeju (kontakti, radno vrijeme, adresa).



27

### Pokloni od pape Ivana Pavla II (zlatnici u kutiji)

Među eksponatima u stalnoj muzejskoj postavi nalaze se i pokloni koje je Alija Izetbegović dobio od nekadašnjeg vrboskog katoličkog biskupa i svetog prijatelja Bosne i Hercegovine, pape Ivana Pavla II. Papa je radom na otklapanju međa narodima, uspostavljanju mira i ekonomizama napisao izvrsnu historiju 20. stoljeća.

### Gifts from Pope John Paul II (Gold Coins in a Box)

Among the exhibits in the permanent museum exhibition are the gifts that Alija Izetbegović received from the former supreme Catholic leader and great friend of Bosnia and Herzegovina, Pope John Paul II. By working on rapprochement among nations, establishing peace and economic growth, the Pope has written the illuminating page of 20th century history.



18

### Epolette

Epolette predsjednika Izetbegovića, izložene su kao dio stalne muzejske postavke i predstavljaju formalni detalj predsjedničke funkcije, a simbolički predstavljaju ličnu kapiju, kao civilni odličnik komandant na čelu ratnog odreda, odgovornosti postavljeni na vrhu vlasti i utjecaj na formiranje glave u radi, oružane borbe i stanje slobode Omladinskih snaga.

### Epaulettes

The epaulettes of President Izetbegović, exhibited as part of a permanent museum display, testify formally to his official rank, and symbolically represent a person who, as the civilian commander-in-chief at the head of the war leadership, knew the military situation and the situation on the fronts where armed struggle took place and the Armed Forces were.



57

### Zlatna policijska značka

Predsjednik Alija Izetbegović je podelio odlikovan Zlatnom policijskom značkom 6. aprila 1993. godine. Ovom odlikovanjem su ukupno odlikovani 443 pripadnika MUP-a Republike Bosne i Hercegovine.

### Golden Police Badge

President Alija Izetbegović was awarded the Golden Police Badge on 6 April 1993. A total of 443 members of the RBiH MUP were awarded with this badge.



## MUZEJ "ALIJA IZETBEGOVIĆ" ZVANIČNI AUDIO VODIČ MUSEUM "ALIJA IZETBEGOVIĆ" OFFICIAL AUDIO GUIDE ALIYA IZETBEGOVIÇ MÜZESİ SESLİ REHBERİ

MUZEJSKA KOLEKCIJA MUZEJA ALIJA IZETBEGOVIĆ SMJEŠTENJA JE U DVIJE KAPI KULE, PLOČA I ŠIROKAC. STALNA POSTAVKA NUDI POSJETIOCIMA PRIKAZ LIČNOSTI I DJELA ALIJE IZETBEGOVIĆA KROZ KOJU IMAJU PRILIKU UPOZNATI SE SA DRUŠTVENIM, POLITIČKIM I INTELKTUALNIM ASPEKTIMA ŽIVOTA PRVOG PREDSEDNIKA NEZAVISNE REPUBLIKE BOSNE I HERCEGOVINE.

THE COLLECTIONS OF THE ALIJA IZETBEGOVIĆ MUSEUM ARE PLACED WITHIN TWO KAPI-KULE (TOWERS), PLOČA AND ŠIROKAC. THE MUSEUM'S PERMANENT EXHIBITION OFFERS ITS VISITORS AN OVERVIEW OF THE LIFE AND WORK OF ALIJA IZETBEGOVIĆ, AND THROUGH THESE, THEY CAN LEARN ABOUT THE SOCIAL, POLITICAL AND INTELCTUAL ELEMENTS OF THE LIFE OF THE FIRST PRESIDENT OF THE INDEPENDENT REPUBLIC OF BOSNIA AND HERZEGOVINA.

ALIYA IZETBEGOVIÇ MÜZESİ KOLEKSİYONLARI, PLOÇA (PLOČA) VE ŞİROKATS (ŞİROKAC) KAPI KULELERİ ARASINDA BULUNMAKTADIR. MÜZENİN DAİMİ SERGİ SALONU ZİYARETÇİLERE, ALIYA IZETBEGOVIÇ'İN ÇALIŞMALARI VE YAŞAMI İLE İLGİLİ GENEL BİR BAKIŞ SUNMAKTADIR. ZİYARETÇİLER, BAĞIMSIZ BOSNA VE HERSEK CUMHURİYETİ'NİN İLK CUMHURBAŞKANININ SOSYAL, SİYASİ VE ENTELEKTÜEL YÖNLERİ İLE İLGİLİ BİLGİ SAHİBİ OLABİLMEKTEDİR.

PREUZMITE APLIKACIJU  
DOWNLOAD THE APP  
UYGULAMAYI İNDİRİN



BESPLATNI  
AUDIO  
VODIČ



FREE  
AUDIO  
GUIDE

KORISTITE AUDIO VODIČ | USE YOUR AUDIO GUIDE | SESLİ REHBERİNİZİ KULLANIN

## Čestitka za 1. Mart – Dan nezavisnosti Republike Bosne i Hercegovine

Dan nezavisnosti jedan je od najvažnijih datuma u cjelokupnoj historiji Bosne i Hercegovine. Krajem februara i početkom marta te sudbonosne 1992. godine, odlučivalo se voljom građana o budućnosti naše zemlje. Na Referendumu je donesena odluka o obnovi nezavisnosti, te je Republika Bosna i Hercegovine nastavila svoj put kao suverena, demokratska i nezavisna država. Nažalost nezavisnost je plaćena visokom cijenom u agresiji koja je ubrzo uslijedila. 1. mart, kao dan nezavisnosti potvrđuje kontinuitet Bosne i Hercegovine od srednjovjekovnog perioda, preko također sudbonosnih momenata obnove državnosti 25. novembra 1943. godine u Mrkonjić Gradu, pa do današnjeg vremena.




Photo Credit: Oslobođenje



Photo: Muzej "Alija Izetbegović"

Tokom obraćanja povodom Dana nezavisnosti, u Sarajevu 1995. godine, predsjednik Alija Izetbegović je kazao: „S obzirom na ogromnu skalu stradanja i patnje, jedno pitanje neizbježno se nameće: je li ovaj stradalački put, put borbe za slobodu bio jedini mogući izbor i da li je postojao ikakav drugi put da bi se izbjegao ovaj naš tragični sudar sa historijom?(...) Mi smo se našli na historijskom raskršću: pognuti glavu i ostati u krnjoj Jugoslaviji, tačnije u Velikoj Srbiji, ili uspraviti se i krenuti u pravcu slobode sa svim rizicima koje je jedan takav izbor nosio. Odlučili smo se za ovo drugo. Kažem – odlučili, iako nisam siguran da je to prava riječ. Izboru, u stvari, nije ni bilo. Sve je bilo odlučeno karakterom našeg naroda, sve je teklo neumitno, kao u nekoj antičkoj drami. Našu slobodu mi nismo mogli upotrijebiti na drugi način. Slobodni ljudi su, ustvari, robovi slobode“.

Sretan Vam

# 1. mart

Dan nezavisnosti Bosne i Hercegovine



## Izložba fotografija “Diplomatski put Alije Izetbegovića” u Ilijašu

Izložba fotografija “Diplomatski put Alije Izetbegovića” nastavlja svoj put. Svečano je otvorena 28. februara za sve posjetioce u Biznis centru Ilijaš.

Prilikom otvorenja izložbe fotografija, riječ je uzela predsjedavajuća OV Ilijaš Alma Omerović, koja je tom prilikom ukazala na značaj čuvanja kulture sjećanja, te značaj čuvanja od zaborava onoga što je prvi predsjednik Predsjedništva učinio za našu domovinu.

“Alija Izetbegović je najznačajnija ličnost u modernoj historiji Bosne i Hercegovine. Bio je na čelu Bosne i Hercegovine kada je bilo najteže – u vremenu osiguranja nezavisnosti BiH, njenog međunarodnog priznanja i u vremenu odbrane BiH od agresije. Pod njegovim vodstvom Bosna i Hercegovina je odbranjena od agresije i očuvana je cjelovita, demokratska Bosna i Hercegovina”, poručila je danas predsjedavajuća.

Prisutnima se obratio i načelnik općine Ilijaš Akif Fazlić, ističući važnost ispravne afirmacije bogate intelektualne i političke zaostavštine predsjednika Alije Izetbegovića. Izložba je bila dostupna javnosti do petka, 3. marta 2022., do 16 h. Ulaz je bio besplatan.



## Izložba fotografija “1. Mart – Dan nezavisnosti Bosne i Hercegovine” u Konjicu

Izložba fotografija “1. mart - Dan nezavisnosti Bosne i Hercegovine” otvorena je za posjetioce 28. februara u Galeriji Narodnog univerziteta u Konjicu. BZK “Preporod” Konjic je bio domaćin izložbe u želji da na dostojanstven način obilježi jedan od najznačajnijih datuma u novijoj historiji Bosne i Hercegovine, Dan nezavisnosti.

Izložba obuhvata autentične fotografije, dokumente, i novinske članke koji su tematski vezani za 1. mart – Dan nezavisnosti Bosne i Hercegovine.

Izložba ima za cilj predstaviti državničko umijeće prvog predsjednika Alije Izetbegovića.



## 1. mart - Dan nezavisnosti obilježen i u Austriji

U Salzburgu je održana manifestacija kojom je obilježen Dan nezavisnosti Bosne i Hercegovine. Više bosanskohercegovačkih udruženja su bili organizatori, a manifestaciji je prisustvovao veliki broj ljudi porijeklom iz Bosne i Hercegovine.

Prisutnima su se, pored ostalih, obratili i ambasador Bosne i Hercegovine u Austriji dr. Kemal Kozarić i putem video linka, predsjedavajući Predsjedništva Bosne i Hercegovine Željko Komšić. U sklopu manifestacije postavljena je naša izložba fotografija posvećena Danu nezavisnosti Bosne i Hercegovine.





## JU Muzej „Alija Izetbegović“ je 2. marta 2022. organizirao Dan otvorenih vrata

JU Muzej „Alija Izetbegović“ otvorio je svoja vrata u renoviranom ambijentu 28. februara 2022. godine. Odlučeno je da 2. marta 2022. godine ulaz bude besplatan za sve posjetioce. Kolektivu JU Muzej „Alija Izetbegović“ iznimno je drago što će posjetioci opet imati priliku upoznati поближе ličnost i djelo predsjednika Alije Izetbegovića u prekrasnom ambijentu kula Ploča i Širokac na Vratniku. Cijene svih dostupnih suvenira 2. marta su bile sa popustom od 10 %. U međuvremenu je Muzej priveo kraju jako značajan projekat muzejske mobilne aplikacije, koju posjetioci mogu besplatno preuzeti – Audiovodič JU Muzeja „Alija Izetbegović“ sa fotografijama, te audio i tekstualnim opisima eksponata koji se nalaze u kolekciji Muzeja. Radno vrijeme JU Muzej „Alija Izetbegović“ u zimskom periodu (oktobar-mart) će biti od ponedjeljka do petka od 10 do 16 h, te subotom od 10 do 15 h.

## Posjeta Mreže mladih Muftijstva tuzlanskog

Predstavnici Mreže mladih Muftijstva tuzlanskog su 5.3.2022. upriličili posjetu JU Muzeju „Alija Izetbegović“.

Ovom prilikom su posjetili muzejsku postavku koja je predstavljena javnosti u novom ambijentu, te su imali obilazak Muzeja s vodičem. Prilikom predavanja je istaknut značaj ideja i principa za koje se predsjednik Alija Izetbegović zalagao, i politički borio, tokom svoga života i plodonosne karijere.

Predstavnici Mreže mladih Muftijstva tuzlanskog su također imali priliku koristiti Audio vodič JU Muzeja „Alija Izetbegović“ kao važan dio muzejske ponude. Izuzetno nam je drago kada mlađe generacije uvažavaju ličnost i djelo predsjednika Izetbegovića, pokazujući time da principi za koje se on tokom života zalagao žive i danas.




## Predstavnici i učenici OŠ „Isa-beg Ishaković“ u posjeti



Predstavnici OŠ „Isa-beg Ishaković“ sa učenicima 8. i 9. razreda upriličili su posjetu JU Muzeju „Alija Izetbegović“ 2. marta 2022., na Dan otvorenih vrata.

JU Muzej „Alija Izetbegović“ cijeni zalaganje nastavnog osoblja OŠ „Isa-beg Ishaković“, te valoriziranje ličnosti i djela predsjednika Alije Izetbegovića. Pomenuta škola uči svoje đake lijepom ponašanju, moralu i poštovanju prema drugim kulturama, vjerama, običajima i navikama pojedinaca, dakle onim vrijednostima, koje je visoko valorizirao predsjednik Izetbegović lično.

Posjetioci su imali priliku koristiti novoprezentovani Audiovodič JU Muzej „Alija Izetbegović“, te su upućeni na dalje istraživanje naslijeđa predsjednika Izetbegovića.



## Posjeta predstavnika i učenika OŠ „Musa Ćazim Ćatić“



Učenici osmog i devetog razreda Osnovne škole „Musa Ćazim Ćatić“ iz Sarajeva, zajedno sa svojim nastavnicima su 5. 3. 2022. posjetili JU Muzej „Alija Izetbegović“, gdje im je tom prilikom održano predavanje o muzeju, te značaju principa i ideja za koje se zalagao predsjednik Alija Izetbegović.

Izuzetno je važno da mlađe generacije konstantno podsjećamo na časnu ulogu državnih struktura i Armije Republike Bosne i Hercegovine predvođenih predsjednikom Alijom Izetbegovićem tokom preživljavanja teških godina u savremenoj historiji naše zemlje Bosne i Hercegovine.

JU Muzej „Alija Izetbegović“ visoko valorizira rad sa obrazovnim institucijama i učenicima na kojima opstaje budućnost naše države.



PROJEKAT ADAPTACIJE I RENOVACIJE  
STALNE MUZEJSKE POSTAVKE  
JU MUZEJ "ALIJA IZETBEGOVIĆ"  
PODRŽALI SU:

Ministarstvo kulture i sporta Kantona Sarajevo

Grad Sarajevo

BH Telecom

Općina Novi Grad Sarajevo

Gdin. Muzaffer Čilek



## **KALENDAR 2022.**

Kalendar možete naručiti putem E-maila

[muzejalijazetbegovic1@gmail.com](mailto:muzejalijazetbegovic1@gmail.com)

ili na telefon **033 574 271**

**CIJENA 10 KM**